

“ТАСДИҚЛАЙМАН”
Давлат харидлари соҳасидаги
шикоятларни кўриб чиқиш бўйича
комиссия раиси
ЭРИ билан тасдиқланган
Атаджанов Муродбек Бекбергенович

Давлат харидлари соҳасидаги шикоятларни кўриб чиқиш бўйича комиссия
йиғилишининг
Р00032 Баёни

Тошкент шаҳри

2023 йил “19” Сентябрь

Раислик қилди:

Атаджанов Муродбек Бекбергенович –
Қўмита бошлиғи ўринбосари

Қатнашдилар:

Давлат харидлари соҳасидаги
шикоятларни кўриб чиқиш бўйича
комиссия аъзолари

Давлат харидлари соҳасидаги шикоятларни кўриб чиқиш бўйича комиссия
йиғилишининг кворуми – 75 %

КУН ТАРТИБИ:

Давлат харидлари соҳасидаги шикоятларни кўриб чиқиш бўйича комиссияга
келиб тушган Республика ихтисослаштирилган педиатрия илмий-амалий тиббиёт
марказининг 2023 йил 23 августдаги хатида келтирилган масалалар муҳокамаси.

Комиссия ишчи органи томонидан Комиссия йиғилишида иштирок этиш
бўйича Ҳазначиликнинг 2023 йил 13 сентябрдаги 01/01-01-04-03-289-сонли
хабарномаси юборилишига қарамай “Cochlear Europe Limited” (Буюк Британия)
компанияси вакили Комиссия йиғилишида иштирок этмади.

“Давлат харидлари соҳасидаги шикоятларни кўриб чиқиш тартиби
тўғрисида”ги Низомнинг (рўйхат рақами 3013, 2018 йил 14 май) 18-бандига
мувофиқ, Комиссия шикоятни кўриб чиқишда иштирок этадиган шахсларни
йиғилиш вақти ва жойи тўғрисида хабардор қилади. Комиссия шикоятни буюртмачи
ва иштирокчининг иштирокида кўриб чиқади, бундан иштирокчи шикоятни унинг
иштирокисиз кўриб чиқишга розилик билдирган ёки узрли сабабларсиз иштирок
этмаган ҳоллар мустаснолиги белгиланган.

Комиссия аъзоларига Cochlear Europe Limited” (Буюк Британия) компанияси
Комиссия йиғилишида узрли сабабларсиз иштирок этмаганлигини билдирилди.

Шу билан бирга, Комиссия ишчи органига мазкур мурожаатга аълоқадор
Тошкент шаҳар маъмурий судининг 2023 йил 2 августдаги 2-266/23 апелляция
инстанция қарори келиб тушган. Баён этилганларга кўра шикоятни “Cochlear Europe

Limited” (Буюк Британия) компанияси вакиллари иштирокисиз кўриб чиқиш бўйича ўз фикрларини билдиришди.

Республика ихтисослаштирилган педиатрия илмий-амалий тиббиёт марказининг (кейинги ўринларда - Мурожаатчи) шикоятда “Cochlear Europe Limited” (Буюк Британия) компанияси ва унга қарашли “Cochlear Limited” (Австралия) минтақавий шўба корхонасини ўз мажбуриятларини тўлиқ ва лозим даражада бажармаганлиги ва ушбу компаниялар ўзаро аффилланган шахслар бўлганлиги сабабли уларни инсофсиз ижрочиларнинг ягона реестрига киритиш Комиссиядан сўралган.

Муқаддам Комиссияга 2022 йил 18 ноябрдаги 18/11-сонли хати орқали мурожаатчининг мазкур мазмундаги шикояти келиб тушган ва Комиссиянинг 2022 йил 7 декабрдаги йиғилишининг 5-масаласида кўриб чиқилган бўлиб, унда мазкур масала бўйича буюртмачининг тегишли судга мурожаат қилиши тўғрисида қарор қабул қилинган. Комиссия қароридан норози бўлиб, Мурожаатчи томонидан Тошкент туманлараро маъмурий судига ариза берилган ва Суднинг 2023 йил 8 майдаги 5-1001-310/670-сонли қарори билан 2022 йил 7 декабрда ўтказилган Комиссия йиғилишининг 5-масаласи бекор қилинган ва ушбу масалани Комиссия томонидан қайта кўриб чиқиш вазифаси юклатилган.

Ўз навбатида юқоридаги суд қароридан норози бўлган “Cochlear Europe Limited” (Буюк Британия) компанияси томонидан Тошкент шаҳар маъмурий судига Тошкент туманлараро маъмурий судининг 2023 йил 8 майдаги 5-1001-310/670-сонли қарорини бекор қилиш юзасидан апелляция шикояти юборилган.

Апелляция шикояти юзасидан Тошкент шаҳар маъмурий судининг 2023 йил 2 августдаги 2-266/23-сонли қарори билан Тошкент туманлараро маъмурий судининг 2023 йил 8 майдаги 5-1001-310/670-сонли қарори ўзгаришсиз қолдирилган.

Ўзбекистон Республикаси Президентининг 2017 йил 17 июлдаги ПҚ-3137-сон қарорида, Ўзбекистон Республикаси Президенти ва Ҳукуматининг соғлиқни сақлаш соҳаси бўйича қабул қилинган қарорлари билан тасдиқланган Давлат дастурларида белгиланган тадбирларни амалга ошириш ҳамда шу мақсадлар учун ажратилган бюджет маблағларидан ўз вақтида, мақсадли ва самарали фойдаланиш, шунингдек, тиббиёт муассасаларини замонавий тиббий асбоб-ускуналар, реагентлар, реактивлар, бутловчи қисмлар, сарфлов воситалари, дори воситалари ва тиббий буюмлар билан узлуксиз таъминлаш мақсадида, давлат харидлари Соғлиқни сақлаш вазирлиги буюртмаси асосида “O’zmedimpeks” МЧЖ томонидан амалга оширилиши белгиланган.

Шунга кўра, шикоятда қайд этилаган давлат харидлари “O’zmedimpeks” МЧЖ буюртмачилигида ўтказилган ва тендер ёлиби “Cochlear Europe Limited” (Буюк Британия) компанияси билан давлат харидлари юзасидан шартнома имзоланган.

“Давлат харидлари тўғрисида”ги Ўзбекистон Республикаси Қонунининг 48-моддасида мувофиқ Инсофсиз ижрочиларнинг ягона реестрига мажбуриятларни бажармаганликда ёхуд тегишли тарзда бажармаганликда белгиланган тартибда айбдор деб топилган ижрочилар тўғрисидаги маълумотлар киритилади.

Давлат харидлари соҳасидаги шикоятларни кўриб чиқиш тартиби тўғрисида”ги Низомнинг (рўйхат рақами 3013, 2018 йил 14 май) 1-бандига кўра, харид қилиш тартиб таомилларининг ҳар бир иштирокчиси, шунингдек назоратни амалга ошираётган шахслар давлат буюртмачисининг, харид комиссиясининг, унинг аъзоларининг, давлат харидлари электрон тизими операторининг ҳаракатлари (ҳаракатсизлиги) устидан, агар бундай ҳаракатлар (ҳаракатсизлик) иштирокчининг

хуқуқлари ва қонуний манфаатларини бузаётган бўлса, суд тартибида шикоят қилиш ҳуқуқига эга.

Ушбу низомнинг 2-бадида, давлат харидлари натижасида тузилган шартномаларда назарда тутилган мажбуриятларни бажариш доирасида келиб чиқадиган низолар ва келишмовчиликларни тартибга солиш масалалари Комиссия томонидан кўриб чиқилмаслиги ва қонунчилик ҳужжатларида белгиланган тартибда ҳал этилиши лозимлиги кўрсатилган.

Юқоридагилардан келиб чиқиб Комиссия аъзолари томонидан шикоятда қайд этилган шартномаларда назарда тутилган мажбуриятларни бажариш доирасида келиб чиқадиган низолар ва келишмовчиликларни Комиссия йиғилишида кўриб чиқилмаслиги бир овоздан мақулланди.

Шунингдек, мурожаатчининг шикоятида келтирилган важларда мажбуриятларни бажармаганликда ёхуд тегишли тарзда бажармаганликда белгиланган тартибда айбдор деб топилганлик тўғрисидаги маълумотлар мавжуд эмаслиги сабабли ижрочини Инсофсиз ижрочиларнинг ягона реестрига киритишга асослар етарли бўлмаслиги билдирилди.

Йиғилиш давомида Комиссия аъзолари томонидан билдирилган фикр ва мулоҳазалар тўлиқ тингланди.

Кун тартибидаги масалаларни кўриб чиқиб, Комиссия раиси қарор қилади:

Республика ихтисослаштирилган педиатрия илмий-амалий тиббиёт марказининг шикоятида келтирилган иштирокчини Инсофсиз ижрочиларнинг ягона реестрига киритиш учун етарли асослар мавжуд эмаслиги сабабли шикоятни қаноатлантириш рад этилсин. Мурожаатчига Инсофсиз ижрочиларнинг ягона реестрига белгиланган тартибда айбдор деб топилган ижрочилар тўғрисидаги маълумотлар киритилиши тушунтирилсин.

Комиссия аъзолари:

Бўранов Шухратжон Арзимуратович	ЭРИ билан тасдиқланган
Номозов Жамшид Ғиёс ўғли	ЭРИ билан тасдиқланган
Ubaydullayev Avaz Baxtiyarullayevich	ЭРИ билан тасдиқланган
Аллаберганов Бобирбек Адилбекович	ЭРИ билан тасдиқланган
Маманазаров Султонбек Шодикулович	ЭРИ билан тасдиқланган
Махкамов Рустам Хусниддинович	ЭРИ билан тасдиқланган
Алиев Тофиг Али угли	ЭРИ билан тасдиқланган
Жўраев Абдулло Насрулла ўғли	ЭРИ билан тасдиқланган